

Jira ku Shina bi Daniel a bitaku ku Shara Jenkuru

Nwunzamka, tamani yafo jira bi baa bisa ba Daniel. Daniel shii pere a ndondo. Ku nyanken kuru Nebukanaza wura kuruka a na ku nyankenbani bishii puka busum, bibabi Shidon mba. Shidon sabi foro, sōna Babilia ku ku vo bi puka zebabibii⁴⁷

Kuru bi puka zebabibini jinaba ra Darius, kurishon Daniel shia a dandan ana, kukara yaku hwe wuwe numa dijira kushii pere bi Shidon kushi ba a ga yiii kaa ni sonkuru kaa a dafunni. Kuru rishon kuya Daniel iko kushi shina bi sonkuruka tete. Dijira bi a shini sonkurukani shi ba kiba ku mikinabibi, birinngonngoo ba Daniel, birinyan gba aji bidu ada ku biraba. Tamani birinwanku ku bi bishiiba ba busoba a kurisa tete, bime ada baani koo dijira kurisa busoba ba mikina azunzun, se bidan jira ba diribibi ra, "Yasa shin afunu idu ada ku biraba?" Se ku bira bi gba bi Shidon a kuribani."

Sonkurukani ma kon nuubibi ya ku bira bi kuru, biken ku jin ku pyenba, biwe vo buruburu, bidan ra, "Zaki, nyunubu kukpa shi ya ku pyen. Sonkurubuka tete son-i ku birabu ra ivou aji uda don ya ko ku ni ku sōnabuka tete ra Perezun kuka ken ku jin wo baazun mba, ko busumzun ko Shidon a ku don mba, se ku pyenbu kenken ze ya fo nyunu adizun gban-a dup. Perezun a mariken ku jin riwo Shidon ko busumzun, wapan pere kuni ya ta ku shara bi jenkuru."

Kuruni fo vya, kuze nde ba jirabibini, kuriga ra sonkurubakani rishon puka tete biyi kushii ni ba iko a kaa ni tete. Kuyia mba ko titii a sonkurubakani ma kon nuubibi ba kinyee.

Sonkurukani dan yaku ra, "Tamani údaa ni don, uba takarda aji uden shina bi kuru koo ba vobu, perezun baani a agbe kyan don a shini."

Sonkurubakani sa numa dijira pyka tete yi ra jira a kuruni madan ra shi ken kasa baa anji, gba baani a kapukan nuuu pina.

Daniel tun va andi kuriba Shidon ba mikina azunzun, a Shidon a azere a kuribaku. Ko azun a bipanku ya kushii fo ku sōna Babilia, gba no ra, kumo jen-a ba jira bi Shidon mba, kurisa adua ko nyunu a ku ni kurivo Shidon kan bara asara. Sonkurukani me baa a kusani biriga ra baduku ba ada aji biyaku fyin.

Daniel yi baa tete a sonkurukani risani ra, kuyi ra kuru da don kuba takarda ba voba, kuyi jira bi kuruni shi ken kapukan-a nuu apina mba. Ko azun a shi numani kufo jira bi adua a sasa, kudan ra, ko ~~kumawu beaku mba~~ funa bi jina bi Shidon. Kurika ku tanaaba, nikyoonba ba tagaba tete shii yoo, kurisaa a taantan mba. Ko nyunu a ku ni kurivo Shidon kan bara asara.

Tamani san sonkuru~~ukani~~ ra, bi ra, "Yoowa, idu gba a yapanku ra ti." Bidu kpa shi ya ku pyen bi kuru, binaku, bi ra, "Zaki uyi ra uda don ya puka tete ra perezun kuka ken ku jin kuwo baazun mba, ko busumzun, ko Shidon a ku don mba, se au kuru kenken.ze ya fo nyunu adizun gban-a dup. Perezun mariken ku jin marivo Shidon ko busumzun, wapan pere kuni ya ta ku shara bi jenkuru." Kuru dan ra, "Shi numa, shia don bi sonabi a yapukan mba!"

Sonkurukani dan ra, "Kuru ufo jira a udanni, Daniel a andi bipanku bi kere, kushii fo ususuku aji kushii ni shinabi, tamani kukulaa ba donbuni mba, kuriken ku jin, kurisa ya Shidonba a ku don adua^a kan bara asara ko nyunu a ku ni.

A kuru Darius fo numani kudan ra, "Kaika, masa shin.?" Kuru^ani mikinaba sa be wuwe numa dijira kurishon Daniel shia a dandan mba. Kuyi ra Daniel shii pere bi Shidon a azere. Tun va apumpum ze ya nyunu kazo kuruni rinyan gba a bika ze Daniel ta ya ku shara bi jenkuruni mba. Ama sonkurubakani dan yaku ra, "Au kuru uyi ra don a uka pyen da ra, uden shina bi kuru koo ba vobu, tamani gba baani aji upukan nuuu pina kasun."

Kuruni yi ra shi ken kuze nde ba jira bi sonkurubaka, se kudan ra bize Daniel bi ku pyenba, kudan yaku ra, "Daniel, shia shonm mba bazeu ya ta ku shara bi jenkuruni mba, mikinam ritu wuwe numa, ama Shindou Shidonbu a uribani kanwan zuu ni."

Tamani sojaka bi kuru bi^aya pu nuu shara bi jenkuruni, bizeku ta ya ku yoo shara koo. Bisiken nuu sharani ba bana a kwaki. Kuruni kasen ya ku tanaba, kurpe mikina, bimbya biji a sansan susu yaku, kujia mba, ko a birigbe zoo ku nikyoona^a kuya mea zooni mba, zooba shii pina ku shina, kuna foa naa mba.

^{mhm}
Sonkurukani rimbu mikina dan ra, "Jira bi Daniel vind^a. Ingan nwoon ba ku ra!"

To^a, um^a hali bi jenkuru biripufun nuu ku shara shi ribaaba busoon a bazon. Tun va pere te yaa ku jin mba birigbe ya busoonba ku don ku don, ama tamani um^a iko bi Shidon. ~~A fisoni~~

A fiseni a bize Daniel ta ku yoo shara bi jenkuruni, jenkurukani nngoo a nngonngo baani, mbora ten gban-abi mba dijira Shidon se nuu bi jenkurukani tete. Daniel te shi ba bi, bisa yabiku baazun mba, bipufun ^{bi} nuubibibi, mba, fo ~~diriba~~ ^{bimba} mba.

A bira rika pyen rikye titii titii numa kuruni ka pyen du ya ku nuu shara bi jenku. A kuya fo ku nuu sharani kubā nuu momo numa ba diri a vonvon ra, "Daniel, Daniel, ushi koo? Shindou Shidonbu a uribani nwan zuu ra re?" Daniel ze kyura ku don dan yaku ra, "Au kuru ~~extinction~~ mikinabu kuna ku jin, mshi koo a totō numa, baazun sám mi mba. Shidon a ku don a mriya wa azere ku biraba són malekaba se nuu bi jenkurukáni, dijira uyi ra mdam ^{u m'} jira ^{zun} mba. Mshii fo bi Shidon, Shidon fo aduam a mrivokuni ra." Se kuru mbu mikina shia ^a dandan mba, kudan ya sojabaka ra, "Nize ^{ku} po zu bi ku mi. Béze Daniel po zu bi, bime baazun saaku mba dijira kuriya wa azere ku bi Shidon a ku don.

Kuru dan ya sojabaka ra biya pan sonkurubaka a bá kween bi Danielni bi, bipuribi ba wabibika ba nyinkabibika we ya ku shara bi jenkurukani. Tun va bifobi ku jin ra mba jenkuruka tafun nuubibi fo jira a gbe yaaya busoonbibi ba kebabibi tete, bize me gban.

Ku nyanken bi a shini kuru Darius ba takarda ba nuu sóna a ku ni ya ku sónaka tete dan ra, ko pere a ku ni kuba Shidon a ku don a Daniel ribani, dijira Shidon bi Daniel shii Shidoh a azere, kunwan zuku ku nuu bi jenkuruka.

*Kuruni kara
ya Daniel hue wuuwe jumma, Kushii
Shina bi sonkuruka tete*

Tamani nwunzamka imba me mikinabi ra ishi ba wa azere
shiira a Daniel shi ba kuni re? Iba Shidon ba mikina a
byenbyen. Ko nyunu a ku ni irisa adua irinyān jinaba.
Shi numa a nyunu a fyin madui yashei jina mba, Shidon ka
ba i shii zun, Kanwan zui.

Shidon Kusa zai. Amin.